

手太陰肺經

手太陰肺中焦生，下絡大腸出賁門，上鬲屬肺從肺系，系橫出腋肱中行，肘臂寸口生魚際，大指內側爪甲根，支絡還從腕內出，接次指屬陽明經。

此經多氣而少血，是動則病欬與嗽，肺脹膨膨缺盆痛，兩手交瞽為臂厥，所生病者為氣嗽，喘欬煩心胸滿結，肱臂之外前廉痛，小便頻數掌中熱，氣虛肩背痛而寒，氣盛亦疼風汗出，欠伸少氣不足息，遺失無度溺色赤。

手陽明大腸經

陽明之脈手大腸，次指內側起商陽，循指上連出合谷，兩筋岐骨循臂肪，入肘外廉循臑外，肩端前廉柱骨旁，從肩下入缺盆內，絡肺下鬲屬大腸，支從缺盆直上頸，斜貫頰前下齒當，環出人中交左右，上夾鼻孔注迎香。

此經氣盛血亦盛，是動頰腫并齒痛，所生病者為齲齲，目黃口乾喉痹生，大指次指難為用，肩前臑外痛相仍，氣有餘兮脈熱腫，虛則寒慄病偏增。

足陽明胃經

胃足陽明交鼻起，下循鼻外下入齒，還出夾口繞承漿，頤後大迎頰車裏，耳前髮際至額顱，支下人迎缺盆底，下鬲入胃絡脾宮，直者缺盆下乳內，一支幽門循腹中，下行直合氣衝逢，遂由髀關抵膝臄，鼈跗中指內關同，一支下膝注三里，前出中指外關通，一支別走足跗指，大指之端經盡矣。

此經多氣復多血，是動欠伸面顏黑，淒淒惡寒畏見人，忽聞木音心驚惕，登高而歌棄衣走，甚則腹脹乃賁響，凡此諸疾皆肝厥，所生病者為狂瘧，溫淫汗出

鼻流血，口喎唇裂又喉痺，膝臄疼痛腹
脹結，氣膺伏兔骭外廉，足跗中指俱痛
徹，有餘消穀溺色黃，不足身前寒振慄，
胃房脹滿食不消，氣盛身前皆有熱。

足太陰脾經

太陰脾起足大指，上循內側白肉際，核骨之後內髁前，上腠循脗脛膝裏，股內前廉入腹中，屬脾絡胃與鬲通，俠喉連舌散舌下，支絡從胃注心宮。

此經氣盛而血衰，是動其病氣所為，食入即吐胃脘痛，更兼身體痛難移，腹脹善噫舌本強，得後與氣快然衰，所生病者舌亦痛，體重不食亦如之，煩心心下仍急痛，泄水溏瘕寒瘧隨，不臥強立股膝腫，疸發身黃大指痿。

手少陰心經

手少陰脈起心中，下鬲直與小腸通，支者還從肺系走，直上喉嚨繫目瞳，直者上肺出腋下，臑後肘內少海從，臂內後廉抵掌中，兌骨之端注少冲。

多氣少血屬此經，是動心脾痛難任，渴欲飲水咽乾燥，所生脇痛目如金，脇臂之內後廉痛，掌中有熱向經尋。

手太陽小腸經

手太陽經小腸脈，小指之端起少澤，循手外廉出踝中，循臂骨出肘內側，上循肘外出後廉，直過肩解繞肩胛，交肩下入缺盆內，向腋絡心循咽嗑，下鬲抵胃屬小腸，一支缺盆貫頸頰，至目兌眦卻入耳，復從耳前仍上頰，抵鼻外至目內眦，斜絡於顴別絡接。

此經少氣還多血，是動則病痛咽嗑，頷下腫兮不可顧，肩如拔兮臑似折，所生病兮主肩臑，耳聾目黃腫腮頰，肘臂之外後廉痛，部分猶當細分別。

足太陽膀胱經

足太陽經膀胱脈，目內眦上起額尖，支者巔上至耳角，直者從巔腦後懸，絡腦還出別下項，仍循肩膊俠脊邊，抵腰膂腎膀胱內，一支下與後陰連，貫臀斜入委中穴，一支膊內左右別，貫胛夾脊過髀樞，臀內後廉膕中合，下貫腓內外踝後，京骨之下指外側。

是經血多氣少也。是動頭疼不可當，項如拔兮腰似折，髀樞痛徹脊中央，膕如結兮腓如裂，是為髀厥筋乃傷，所生瘡痔小指廢，頭顙項痛目色黃，腰尻膕腳疼連背，淚流鼻衄及癲狂。

足少陰腎經

足經腎脈屬少陰，小指斜趨湧泉心，然谷之下內踝後，別入跟中腓內侵，出臑內廉上股內，貫脊屬腎膀胱臨，直者屬腎貫肝鬲，入肺循喉舌本尋，支者從肺絡心內，仍至胸中部分深。

此經多氣而少血，是動病飢不欲食，喘嗽唾血喉中鳴，坐而欲起面如垢，目視眈眈氣不足，心懸如饑常惕惕，所生病者為舌乾，口熱咽痛氣賁逼，股內後廉並脊疼，心胸煩痛疽而癖，痿厥嗜臥體怠惰，足下熱痛皆腎厥。

手厥陰心包經

手厥陰心主起胸，屬包下鬲三焦宮，支者循胸出脇下，脇下連腋三寸同，仍上抵腋循臍內，太陰少陰兩經中，指透中冲支者別，小指次指絡相通。

是經少氣原多血，是動則病手心熱，肘臂攣急腋下腫，其則胸脇支滿結，心中澹澹或大動，善笑目黃面赤色，所生病者為心煩，心痛掌熱病之則。

手少陽三焦經

手經少陽三焦脈，起自小指次指端，兩指岐骨手表表，上出臂外兩骨間，肘後臑外循肩，上少陽之後交別傳，下入缺盆臚中分，散絡心包膈裏穿，支者臚中缺盆上，上項耳後耳角旋，屈下至頤仍注頰，一支出耳入耳前，卻從上關交曲頰，至目外眦乃盡焉。

斯經少血還多氣，是動耳鳴喉腫痺，所生病者汗自出，耳後痛兼目銳眦，肩臑肘臂外皆疼，小指次指亦如廢。

足少陽膽經

足脈少陽膽之經，始從兩目銳眥生，抵頭循角下耳後，腦空風池次第行，手少陽前至肩上，交少陽右上缺盆，支者耳後貫耳內，出走耳前銳眥循，一支銳眥大迎下，合手少陽抵項根，下加頰車缺盆合，入胸貫膈絡肝經，屬膽仍從脇裏過，下入氣衝毛際榮，橫入髀厭環跳內，直者缺盆下腋膺，過季脇下髀厭內，出膝外廉是陽陵，外輔絕骨踝前過，足跗小指次指分，一支別從大指去，三毛之際接肝經。

此經多氣而少血，是動口苦善太息，心

脇疼痛難轉移，面塵足熱體無澤，所生
頭痛連銳眚，缺盆腫痛并兩腋，馬刀挾
癭生兩傍，汗出振寒瘡瘡疾，胸脇髀膝
至骭骨，絕骨踝痛及諸節。

足厥陰肝經

厥陰足脈肝所終，大指之端毛際叢，足
跗上廉太衝分，踝前一寸入中封，上踝
交出太陰後，循臍內廉陰股衝，環繞陰
器抵小腹，夾胃屬肝絡膽逢，上貫膈裏
布脇肋，俠喉頰顙目系同，脈上巔會督
脈出，支者還生目系中，下絡頰裏還唇
內，支者便從膈肺通。

是經血多氣少焉，是動腰疼俛仰難，男
疝女人小腹腫，面塵脫色及咽乾，所生
病者為胸滿，嘔吐洞泄小便難，或時遺
溺并狐疝，臨證還須仔細看。